



Sex abius, Usim waka blo narawan en harasment save hapen onlaen en lo ril laef. No mata hao or wanem taem na hem hapen, hem no oraet. If diswan hapen lo yu or lo samwan yu save lo hem, yu shud ripotim lo pulis. Rimembam tu dat taem yu go thru nao wetem sex abius, usim waka blo narawan or harasment, hem no rong blo yu en hem gud fo yu faendim sapot.

Sex abius – fosim sex kontak, hem inkludim nao reip en trae fo reip, en holehole olobaot. If yu pikinini, no eniwan bae save som yu nao piksa or muvi blo oketa tambu/karange samting, or searem wetem yu onlaen.

Sex exploitation – Taem narawan abiusim na trast blo yu or usim na paoa blo oketa fo laek duim samting rong. Samwan osem ticha or samwan garem paoa mait baem yu gift fo mekem hem save duim samting rong o askem yu fo sikret piksa en den bae usim nao oketa piksa ya fo no gud samting. Pipol wea askem yu fo givim oketa samting or duim samting wea hem mekem yu no fil gud or fraet, oketa pipol ya no gud en wanem bae oketa laek duim no gud. Mas redi gud nao lo oketa pipol wea bae luk osem oketa wei gud lo yu. Samfala no gud pipol bae trae en mekem yu trastim oketa fo oketa save askem yu samting osem nao oketa piksa.

Sex harasment – Taem samwan mekem na anwelkam sex or ask fo duim samting tambu/karange, bulim yu lo karange wei, or mekem nara karange samting wea yu no laekem.

Fo moa infomeson, yu save faendem oketa risos wea hem usful:

<https://www.facebook.com/safety/StopSextortion>
<https://www.netsafe.org.nz/image-based-abuse/>
<https://www.netsafe.org.nz/grooming/>

Searem karange/tambu samting or neket piksa blo oketa pikinini hem no gud. If yu lukim diswan, yu shud ripotim go lo pulis.

Lo International Law, pikinini hem oketa wea undanit 18 yias ol or lo hom blo yu eij of majoriti, eniwan wea hem ova.

Mas Rimembam Olowe:

1. Hem NO ORAET fo eniwan sendem neket or tambu/karange piksa or muvi go lo narawan wea no ask fo oketa samting ya.
2. Hem NO ORAET fo eniwan fosim narawan fo sendem oketa neket, or tambu/karange piksa or muvi.
3. Hem ORAET fo talem go 'No' en duim nomoa oketa samting wea yu laek fo duim, en wea yu fil gud fo duim.

Wanem Nao Bae Me Save Duim?

1. **Trastim nao tingting blo yu.** Taem narawan mekem yu no fil gud or seif, duim wanem nao yu tingim.
2. **Tek akson en luk fo help.** Taem yu go tru sex abius, waka blo narawan en harasment onlaen or lo ril laef, talem eniwan yu trastim hu bae save sapotim yu fo sotim nao problem ya.
3. **Ripotim rabis, kilkil/fait or abius wei** n te online ke te social media bwa aonga n onlaen en blokem eniwan wea laek kil/faitim yu or abiusim yu lo sosol midia mekem oketa no save tok kam lo yu lo dea. Moa infomeson fo ripotim lo Facebook, visitim na [Help Centre](#). Iu bae laek fo ridim tu [Facebook Community Standards](#) fo lanem wanem yu save duim en wanem yu no save duim lo hem.

